



Zachée le peager monte sur vn Sycomore pour voir Iesus , lequel le fait descendre pour aller en sa maison.

LESVS entré en Iericho, alloit par la ville ; & voicy vn homme appelé Zachée qui estoit fort riche, & principal peager , & Collecteur des tributs & impôts qui se leuoient en la contrée, & exerçoit le negoce public ; il taschoit à cōnoistre lequel estoit Iesus, mais il ne le pouuoit voir, pour la foule & multitude du peuple, car il estoit de petite stature. Parquoy accourut au deuant, & monta dessus vn Sycomore pour le voir, car il deuoit passer par là. Et quand Iesus fut venu à l'endroit où il estoit monté : il regarda en haut, & luy dist ; Zachée, descend hastiement, car aujourd'huy il me faut demeurer en ta maison. Et Zachée estant descendu, receut Iesus en sa maison avec ioye, dont quelques-vns murmurans disoient ; Comment , il entre chez vn homme de méchante vie pour y loger ! Et Zachée estant present , dist à Iesus , Seigneur, voicy , ie donne la moitié de mon bien aux pauvres, & si i'ay trompé aucun ou defraudé d'aucune chose, i'en rends quatre fois autant. Alors Iesus luy dist , Aujourd'huy assésurement salut est aduenu en cette maison , pourtant que cettuy-cy est aussi fils d'Abraham par foy & imitation, car le fils de l'homme est venu chercher & sauuer ce qui estoit perdu.